





AUG. 3187

3196



RECTOR  
ACADEMIÆ LIPSIENSIS

ad  
EXEQVIAS

*Matrona primiceria & pi ma*

ELISABETHÆ

natae DREUERÆ,

*Nobilissimi, Amplissimi, Consul semiq*

PAULI WACNERI,

J. U. D. & Practici Celeberrimi,

Relictæ Viduæ

*horâ 3. solenniter concelebrandas*

ACADEMICOS PROCI

ET CIVES

humanissimè invitatos  
cupit.

*Mat. Dreueri  
S. M. S. G. W.  
Stadthaus*

RECTOR

ACADEMIC LIBRARY

THEOLOGY

ELIZABETH

DEPARTMENT

PAYEE WAGNER

ANDREW C. WAGNER

THEOLOGY

ACADEMIC PROPOSALS

BT. CIVIL

RECEIVED

1894

Aug. 31 1894





**D**E Elisabetha Hungariæ Regis cujusdam filia,  
eaque ob vitæ sanctimoniam Sanctorum Ordi-  
nibus adscripta, ex Legendis inter alia Frater  
Ordinis Franciscani Pelbartus in Pomerio suo  
memorat, quòd, posteaquam in CHRISTO placidè obdor-  
miverit, *de corpore aromaticus sudor cunctos refecerit,*  
*Et tandem corpus in sepulchro oleum (ita enim loquitur)*  
*redundarit.* Siquè causam miraculi hujus ex illo scisci-  
teris, eam in merita Elisabethæ, solenni Monachorum more,  
mox rejicit, *pro casto quippe animo Et mundo corpore*  
*odoris suavitate fragrâsse, proq; misericordiae operibus,*  
*quæ hac in vita exercuerit, oleum de corpore ejus tumula-*  
*to emanâsse affirmans.* Causam autem odoris neque diffusi  
neque percepti à Cuculligero Fratre dari, nemo non emun-  
dioris naris faciliè subodoratur. Nam ut tota illa Legenda,  
verius Lügenda, non nisi aniles redolet nanias, ita quic-  
quid aromatis atque olei illius est, non aliunde, quàm ex  
~~rancidis putidisq; commentorum thecis est depromptum.~~  
~~Idem censendum de odore illo cœlestium unguentorum,~~  
~~quem corpus Deiparæ mortuæ spirâsse idem Pelbartus in~~  
Stellario ex Cosina aliisque nugivendulis refert. Haut in-  
fitendum interim, Viduas castitate & sanctimoniâ præclu-  
entes præ aliis Viduis hircum olentibus olere optimè, no-

*quia latro  
es andrus*



menqve post sese effusissimo unguento diffusius relinque-  
re. Qvam laudem jure optimo maximo sibi vendicat E-  
LIS ABETHA nostra, Matrona, inquam, pientissima &  
planè incomparabilis, Viri Nobilissimi, Amplissimi, Con-  
sultissimiqve PAULI WAGNERI, J. U. D. & Practici fa-  
migerabilis Vidua. Cùm enim pietas castitasqve ejus sint  
virtutis & efficaciae, ut hominem fragrantissimis veluti un-  
guentis perfundant ac perpluant, nulla temerè Lipsiensium  
Matronarum fuerit, quæ plures gratioresqve auras, WA-  
GNERIA hæc, de se sparserit. Et nunc quidem, postea-  
quam non secus ac lucerna, cui oleum deficit, expiravit, tan-  
tum abest, ut benè olere desierit, ut rejuvenescat potius  
cum anno ipso, famâqve efflorescat violis, rosis & liliis o-  
nibus fragrantiori. Est autem nostrarum quoque parti-  
um, CIVES HONORATISSIMI, ut tam rarum tamqve  
carum Matronalium Virtutum odorem ad posteros quoq;  
inviolabilem transmittamus. Ægyptii, uti regionem in-  
colunt unguentis, teste Plinio, accommodatissimam, ita  
corpora defunctorum non aquis tantum odoriferis lavant,  
sed & cedro, myrrhâ, cinnamomo, stacte, aloe, croco, opo-  
balsamo, aliisque pretiosissimis rebus perlinunt, eâ fini, ut  
imputribilia asservare illa, posterisque suis tanquam ex-  
empla studiosè imitanda possint proponere. Nec alio ex  
fonte sepulchralis uncturæ mos ad Ebraeos tanquam rivu-  
lus dimanavit. Cùm enim Josephus, emendatissimus ille  
Ægyptiaci regni administrator, Parentem suum Jacobum  
pollingi de more regionis curaverit, ecquis non videt, cum  
corpore Patriarchæ etiam ipsum funeralis Unctionis ritum  
in Palæstinam fuisse deportatum? Nos verò non tam cor-  
pus WAGNERIÆ verminanti putredini exempturi,  
quam famam ejus perpetuam reddituri, insuper habitâ  
Ægyptiorum pollincturâ, WAGNERIAM perennivivo  
bonæ



bonæ memoriæ oleo perfundemus. Ac primum quidem,  
 si vel patriam vel genus illius spectemus, vel inde satis ar-  
 gumenti nascitur, eam aliis sexûs sui Viduis anteferendi.  
 Nata enim eâ in urbe est, quæ & Academia & mercaturæ  
 flore nobilitata, pulcherrimisqve Germaniæ urbibus jam-  
 dudum accensita est, in hac urbe, inqvâm, Lipsiensi A.O.R.  
 M.D.XCIII. d. IIX. Augusti, Patrem sortita Virum exi-  
 miæ prudentiæ atqve amplitudinis ABR AHAMUM  
 DREUERUM, Senatorem Curia Philurææ cordatissi-  
 mum, matremqve EVAM, ex honestissimo SEYBITHIO-  
 RUM genere oriundam. Sed longè svavior virtutum o-  
 dor, qvo per exactam matris disciplinam ab herbescente  
 ætate (nam Pater A. M. DC. d. XII. Junii viventium nume-  
 ro eximebatur) est imbuta. Neqve enim pietati tantum  
 consecrata maturè, sed ad rei qvoqve familiaris curatio-  
 nem, futurumqve adeò matrimonium feliciter preparata  
 est. Quâ re factum, ut laudes ejus odoratissimi balsami  
 instar se diffunderent, facileqve, sed non sine divinâ adgu-  
 bervatione, devincirent sibi & veluti fascinarent Vidu-  
 um hætenus mœstissimum D. WAGNERUM, Causarum  
 patronum haut incelebrem. Cui ipsi cum d. VIII. April.  
 A. E. G. M. DC. XVI. maritali annexa esset vinculo, ar-  
 ctissimo Conjugem Amplissimum amore complexa est, pi-  
 gnoraqve, quæ testari de illo poterant, benedicente Numi-  
 ne, tex tulit, PAULUM videlicet, nunc JCtum Celeberri-  
 mum, & Consulem Patriæ suæ laudibus nostris superio-  
 rem, ELISABETHAM, CHRISTIANUM, CHRISTO-  
 PHORUM, CONSTANTINUM & CHRISTINAM.  
 Quemadmodum autem nullum tam dulce tamqve concors  
 matrimonium est, quin fellis quidpiam absinthiiqve habeat,  
 ita amorem tam edecumati Paris non unus luctus ac mœ-  
 ror conturbavit. Mater enim sex liberorum facta WA-



GNERIA præter unum primogenitum reliquos omnes  
maturo fato extinctos vidit, postq; illos dulcissimum Con-  
jugem pestifero malo sublatum, die videl XIX. Novemb.  
Anni M. DC. XXXIII. qvo contagiosa illa lues per terras  
hasce immane-quantum grassabatur. Quamq, qvic-  
quid tristitiæ ac damni tot mortes attulerant, in Filio su-  
perstite, qvem diximus, sat abundè compensatum est. Hunc  
enim non *ὀντιπελαργῶντα* tantum ad extrema usqve experta  
est, sed & per gradus ad summa honorum fastigia ascen-  
dentem vidit, vidit, inq, J. U. Doctorem, Facultatis  
Juridicæ, Curiaqve Provincialis Assessorem, Proconsulem,  
imò Consulem ipsum & Scabinum undiquaqve bene-me-  
rentissimum. Qvin & maritum vidit, felicemqve nume-  
rosæ prolis patrem non sine uberrimo gaudiorum mater-  
norum proventu. Etenim cum is A. seculi hujus XLVII.  
Calendis Novemb. Virginum Lipsiensium decus MARI-  
AM, Viri prudentissimi SEBASTIANI OHEIMII, Ædi-  
lis amplissimi, filiam solenniter sibi sociasset, toties toties-  
qve pater factus Matrem Optimam jucundissimo Nepotum  
Neptumqve intuitu mirifice recreavit, susceptis ex OHEI-  
MIA laudatissima liberis undecim. PAULO, SEBASTIA-  
NO, CHRISTIANO FRIDERICO, GOTHOFRE-  
DO, nunc LL. Cultore strenuo, & Avitæ Virtutis felicis-  
simè æmulo, CHRISTIANO AMANDO, MARIA E-  
LISABETHA, CHRISTINA MARGARETHA,  
CHRISTOPHORO, SOPHIA DOROTHEA, CHRI-  
STIANO & GOTTLIEB CHRISTIANO. Quid?  
qvod non Aviam tantum, sed Proaviam quoqve Matrem  
reddidit, traditâ in matrimonium Viro Plur. Rev. Nobiliss.  
Amplissimo, Consultissimoqve PAULO FRANCISCO  
ROMANO, J. U. D. Prof. Publ. Facult. Jurid. Assessori,  
& Canonico Numburgensi, filiâ dilectissimâ MARIA  
ELISA-



ELISABETHA, quæ terno partu Avia suæ tot proneptes  
MARIAM ELISABETHAM, GERTRUDIN MARGARETHAM & JOHANNAM CHRISTINAM,  
tanquam dulcissima grandissimæ ætatis oculifera exhibuit.  
Ad WAGNERIAM autem ipsam ut revertamur, illa, ex  
quo Consorte amplissimo, cui incredibilem in morbo fidem  
approbârat, orbata erat, exemplar Viduæ Christianæ  
edecumatum quoddam per annos XL. & II. (rarissimo  
Me-Christe exemplo!) repræsentavit. quantumvis enim cum  
decumanis illis & pestis & belli fluctibus, morbisq; subinde  
non unis conflictari necesse haberet, quin & naufragium  
maternæ fraternæq; hæreditatis faceret; non migrabat tamen  
constantiam, & quod in ipsa erat, robur animi, quin  
ad Ideam Viduæ Paulinæ sese conformans, spem unicè collocabat  
in DEO, animumq; adeo nec luctibus nec calamitatibus  
ullis patiebatur everti. *Habet enim Virtus, ut Verulamius ait, simile quoddam odoramentis quibusdam pretiosis,*  
*quæ fragrantissima sunt aut incensa aut tusa.*  
Neque præsentem illa propitiumq; DEUM non agnovit,  
quippe quæ non sarta-tecta tantum in tot acerbis casibus  
conservata est, sed & toties per FILIUM ad summa quæq;  
evectum, perque tot Nepotes, Neptes, & Proneptes resecta  
svaviter, & ad summum denique tunc ætatis tunc matronalis  
gloriæ apicem perducta. Cæterum tempus omne post  
publicas acroases, ordinariumque sacræ Coenæ usum devotissimis  
precibus dabat & sacrorum librorum volutioni, vitæque tandem satur  
ac negotii cerevisiarii (nam jure  
coqvendæ cerevisiæ per sexaginta annos usa est) nihil aliud,  
quam vitæ melioris lucem anhelabat. Documento  
sunt tot dicta Biblica, totque rythmi sacri, quos post pietissima  
fidelissimaq; ad Nepotes dulcissimos monita, Carri-  
culo




culo Vitæ suapte manu conscripto adjunxit. Nec defuit  
votis illius DEUS vitæ autor & ultimæ horæ Determinator,  
quin WAGNERIAM ætate fessam, viribusque defectam  
d. V. Martii Curru Heliano in cœlum evexit. Jamque  
nomen ejus per totam urbem diffusum est balsamîs omnibus  
unguentisqve fragrantius. Nos, ut Exuviis honoratissi-  
mis sua quoque justa persolvantur, TANTI FILII  
TANTAM MATREM supremis honoribus horâ III,  
afficiamus & veluti pollingamus! Neque enim aliam quis  
temerè extremam unctionem à nobis efflagitabit. P. P.  
Lipsiæ d. X. Martii A. E. C. M. DC. LXXV.

Literis WITTIGAVIANIS.







5140019664

Biblioteka Jagiellońska



